

## ODLUKU

### O PREUZIMANJU PRAVA I OBAVEZA OSNIVAČA I USKLAĐIVANJU ORGANIZACIJE I POSLOVANJA JAVNE USTANOVE "APOTEKE SARAJEVO"

#### DIO PRVI - UVODNI DIO

##### Član 1. (Osnivač)

- (1) Skupština Kantona Sarajevo (u daljem tekstu: Osnivač) je Osnivač Javne ustanove "Apoteke Sarajevo" koja je osnovana u cilju obavljanja farmaceutske djelatnosti i osiguranja snabdijevanja stanovništva, zdravstvenih ustanova i zdravstvenih radnika koji obavljaju privatnu praksu, lijekovima i medicinskim sredstvima.
- (2) Ovom odlukom vrši se preuzimanje prava i obaveza Osnivača i usklađivanje organizacije i poslovanja Javne ustanove "Apoteke Sarajevo" sa odredbama Zakona o apotekarskoj djelatnosti ("Službene novine Federacije BiH", broj 40/10) i Zakona o zdravstvenoj zaštiti ("Službene novine Federacije BiH", broj 46/10), (u daljem tekstu: Federalni zakon).

##### Član 2. (Naziv i sjedište)

- (1) Apoteka iz člana 1. stava (1) ove odluke nastavlja sa radom i posluje pod nazivom: Javna ustanova "Apoteke Sarajevo" (u daljem tekstu: Apoteka), u državnoj svojini.
- (2) Sjedište Apoteke je u Sarajevu, ulica Salih Hadžihuseinovića Muvekite broj 11.

##### Član 3. (Status pravnog lica)

Apoteka ima svojstvo pravnog lica i upisana je u sudski registar kod nadležnog suda u Sarajevu.

##### Član 4. (Djelatnost)

- (1) Djelatnost Apoteke je obavljanje farmaceutske djelatnosti na primarnom nivou, a koja obuhvata slijedeće:
  - a) snabdijevanje lijekovima i medicinskim sredstvima;
  - b) snabdijevanje herbalnim lijekovima i herbalnim supstancama;
  - c) snabdijevanje homeopatskim lijekovima;
  - d) izrada i snabdijevanje magistralnim i galenskim lijekovima;
  - e) snabdijevanje dječijom hranom i dječijom opremom, kao i dijetetskim proizvodima;
  - f) snabdijevanje kozmetičkim i drugim sredstvima za njegu i očuvanje zdravlja;
  - g) savjetovanje u vezi pravilne primjene lijekova, medicinskih sredstava, herbalnih i homeopatskih lijekova, kozmetičkih i dijetetskih proizvoda;
  - h) pružanje dodatnih usluga u svrhu provođenja preventivnih mjera za očuvanje i zaštitu zdravlja stanovništva, a koje podrazumijeva mjerenje određenih parametara koje pacijenti mogu i samostalno odrediti u postupku samokontrole, pri čemu ove usluge imaju savjetodavni karakter i ne pružaju se u svrhu postavljanja dijagnoze kao što su mjerenje šećera u krvi, krvnog pritiska, težine i sl;
- (2) U skladu sa Odlukom o klasifikaciji djelatnosti Bosne i Hercegovine 2010 ("Službeni glasnik BiH", broj 47/10), djelatnost Apoteke obuhvata slijedeće razrede:
  - a) 21.10 - Proizvodnja osnovnih farmaceutskih proizvoda
  - b) 21.20 - Proizvodnja farmaceutskih preparata
  - c) 21.42 - Proizvodnja parfema i toaletno-kozmetičkih preparata
  - d) 46.45 - Trgovina na veliko parfemima i kozmetikom
  - e) 46.46 - Trgovina na veliko farmaceutskim proizvodima
  - f) 47.73 - Djelatnost Apoteke

- g) 47.74 - Trgovina na malo medicinskim preparatima i ortopedskim pomagalicama u specijalizovanim prodavnicama
- h) 47.75 - Trgovina na malo kozmetičkim i toaletnim proizvodima u specijalizovanim prodavnicama
- i) 63.11 - Obrada podataka
- j) 86.90 - Ostale djelatnosti zdravstvene zaštite.

##### Član 5. (Statut Apoteke)

- (1) Statut je osnovni opći akt Apoteke, koji donosi Upravni odbor Apoteke uz obavezu saglasnost Osnivača.
- (2) Statutom Apoteke se uređuju osnovna pitanja vezana za rad Apoteke i to:
  - a) naziv i sjedište Osnivača Apoteke;
  - b) naziv i sjedište Apoteke;
  - c) djelatnost Apoteke;
  - d) izvor i način obezbjeđenja sredstava za rad Apoteke;
  - e) način raspolaganja viškom prihoda nad rashodima i način na koji se pokriva višak rashoda nad приходima;
  - f) prava i obaveze Osnivača u pogledu obavljanja djelatnosti zbog koje je Apoteka osnovana;
  - g) međusobna prava i obaveze Apoteke i Osnivača;
  - h) imenovanje direktora i organa upravljanja Apoteke;
  - i) stručna tijela Apoteke, mandat članova stručnih tijela, način izbora i finansiranje;
  - j) lice koje će do imenovanja direktora Apoteke obavljati poslove i vršiti ovlaštenja direktora;
  - k) druga pitanja od značaja za rad Apoteke.

##### Član 6. (Statusne promjene i promjena djelatnosti)

- (1) Apoteka ne može vršiti statusne promjene (promjena naziva, sjedišta i druge promjene utvrđene zakonom), bez saglasnosti Osnivača.
- (2) Promjenu ili proširenje djelatnosti Apoteka ne može obaviti bez saglasnosti ministra zdravstva Kantona Sarajevo, (u daljem tekstu: ministar), koja se daje u formi rješenja, a na način i u postupku propisanim Federalnim zakonom.

##### Član 7. (Unutrašnja organizacija)

- (1) Apoteka može u svom sastavu organizovati slijedeće organizacione jedinice: ogranak apoteke, depo, galensku laboratoriju. Navedene organizacione jedinice nemaju svojstvo pravnog lica.

##### Član 8. (Prava i obaveze Apoteke)

- (1) Danom stupanja na snagu ove odluke Apoteka zadržava objekte i opremu na korištenje, zaposlenike, odnosno sva prava i obaveze JU "Apoteke Sarajevo".
- (2) Objekti i oprema iz stava (1) ovog člana su svojina Osnivača.

##### Član 9. (Zakup)

- (1) Apoteka može dio svojih zdravstvenih i nezdavstvenih kapaciteta (prostor i opremu) izdati u zakup, ukoliko to ne remeti obavljanje djelatnosti Apoteke.
- (2) Upravni odbor Apoteke svake kalendarske godine odlukom utvrđuje višak zdravstvenog i nezdavstvenog prostora, a uz prethodno pribavljeno pozitivno mišljenje ministra.
- (3) Nakon pribavljenog pozitivnog mišljenja ministra i odluke Upravnog odbora Apoteke, direktor Apoteke raspisuje javni oglas za prikupljanje ponuda za davanje u zakup jedinica zakupa, u skladu sa Federalnim zakonom i drugim propisima koji regulišu ovu oblast, kao i propisima koji regulišu oblast javnih nabavki.

Član 10.  
(Sredstva rada)

Sredstva za rad i razvoj Apoteka ostvaruje:

- a) ugovorom sa Zavodom zdravstvenog osiguranja Kantona Sarajevo odnosno drugim kantonalnim zavodima zdravstvenog osiguranja na kojima se nalaze prodajne jedinice Apoteke,
- b) ugovorom sa Zavodom zdravstvenog osiguranja i reosiguranja Federacije Bosne i Hercegovine,
- c) ugovorom sa Ministarstvom zdravstva Kantona Sarajevo (daljem tekstu: Ministarstvo) i drugim ministarstvima zdravstva na kojima se nalaze prodajne jedinice Apoteke,
- d) ugovorom sa fakultetima i drugim visokim školama zdravstvenog usmjerenja,
- e) ugovorom na osnovu proširenog i dobrovoljnog zdravstvenog osiguranja,
- f) iz sredstava Osnivača,
- g) iz sredstava budžeta Federacije Bosne i Hercegovine, kantona odnosno jedinica lokalne samouprave,
- h) iz učešća korisnika zdravstvene zaštite u pokriću dijela ili ukupnih troškova zdravstvene zaštite,
- i) prodajom gotovih lijekova, vlastitih galenskih i magistralnih pripravaka i prodajom drugih roba odobrene djelatnosti,
- j) iz učešća osiguranih lica (participacija) kod preuzimanja lijekova propisanih na recept,
- k) iz sredstava pravnih i fizičkih lica za izvršene usluge iz odobrene djelatnosti,
- l) slobodnom prodajom usluga na tržištu, te
- m) iz drugih izvora na način i pod uvjetima određenim zakonom i Statutom Apoteke.

Član 11.  
(Prihodi i rashodi)

Način raspolaganja viškom prihoda nad rashodima kao i način na koji se pokriva višak rashoda nad приходima, regulisat će se Statutom Apoteke.

Član 12.  
(Odgovornost za obaveze)

- (1) Apoteka je odgovorna za svoje obaveze imovinom kojom raspolaže.
- (2) Osnivač Apoteke je supsidijarno odgovoran za obaveze Apoteke, do visine osnivačkog uloga.

DIO DRUGI - ODGOVORNOST I OBAVEZE APOTEKE  
PREMA OSNIVAČU

Član 13.  
(Odgovornost i obaveze prema Osnivaču)

- (1) Apoteka je odgovorna Osnivaču za rezultate svog rada i djelovanja u svim oblastima za koje je nadležna.
- (2) Obaveze Apoteke prema Osnivaču su:
  - a) da pribavi saglasnost Osnivača kod svih statusnih promjena Apoteke;
  - b) da pribavi saglasnost Osnivača kod donošenja Statuta Apoteke;
  - c) da pribavi saglasnost Osnivača kod donošenja godišnjeg programa rada sa finansijskim planom;
  - d) da najmanje jednom godišnje podnosi Osnivaču izvještaj o radu i finansijskom poslovanju Apoteke, koji sadrži: izvještaj o izvršenju godišnjeg programa rada, izvještaj o finansijskom poslovanju, izvještaj o radu Upravnog odbora, izvještaj o radu direktora i izvještaj o radu Nadzornog odbora;
  - e) da pribavi saglasnost ministra kod proširenja i promjene djelatnosti Apoteke;
  - f) da pribavi saglasnost Ministarstva kod donošenja Pravilnika o radu, unutrašnjoj organizaciji i sistematizaciji radnih mjesta;
  - g) druge obaveze utvrđene zakonom.

DIO TREĆI - ORGANI UPRAVLJANJA, RUKOVOĐENJA I  
KONTROLE POSLOVANJA APOTEKE

Član 14.  
(Upravni odbor)

- (1) Organ upravljanja u Apoteci je Upravni odbor.
- (2) Djelokrug Upravnog odbora je:
  - a) donošenje Statuta Apoteke;
  - b) imenovanje i razrješavanje direktora odnosno v.d. direktora Apoteke;
  - c) utvrđivanje planova rada i razvoja Apoteke;
  - d) utvrđivanje godišnjeg programa rada;
  - e) donošenje finansijskog plana i usvajanje godišnjeg obračuna;
  - f) donošenje opštih akata o unutrašnjem uređenju i sistematizaciji poslova i druge opšte akte, u skladu sa zakonom i Statutom Apoteke;
  - g) odlučivanje o svim pitanjima obavljanja djelatnosti radi kojih je Apoteka osnovana, ako zakonom nije određeno da o određenim pitanjima odlučuje drugi organ Apoteke;
  - h) usmjeravanje, kontrolisanje i ocjenjivanje rada direktora;
  - i) rješavanje svih pitanja odnosa sa Osnivačem;
  - j) odlučivanje o korišćenju sredstava preko iznosa utvrđenog Statutom Apoteke;
  - k) odgovaranje Osnivaču za rezultate rada Apoteke;
  - l) odlučivanje o prigovoru zaposlenika na rješenje kojim je drugi organ, određen Statutom Apoteke, odlučio o pravu, obavezi i odgovornosti zaposlenika iz radnog odnosa;
  - m) podnošenje Osnivaču najmanje jedanput godišnje izvještaja o poslovanju Apoteke;
  - n) odlučivanje o osnivanju ogranaka, depoa, galenskog laboratorija;
  - nj) obavljanje i drugih poslova u skladu sa zakonom i Statutom Apoteke.
- (3) Predsjednika i članove Upravnog odbora imenuje i razrješava Vlada Kantona Sarajevo (u daljem tekstu: Vlada) na prijedlog ministra, uz ravnopravnu zastupljenost oba spola, na način i u skladu sa zakonom.
- (4) Upravni odbor ima pet članova i čine ga predstavnici:
  - a) osnivača - tri člana, od kojih jedan mora biti ispred Ministarstva,
  - b) stručnih radnika Apoteke - dva člana, od kojih jedan mora biti iz reda zdravstvenih radnika.
- (5) Mandat predsjednika i članova Upravnog odbora traje četiri godine i mogu biti ponovo imenovani.
- (6) Predsjednik i članovi Upravnog odbora Apoteke imenuju se u proceduri u skladu sa Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03 i 34/03).
- (7) Način izbora, opoziva i mandat predsjednika i članova Upravnog odbora Apoteke, vrši se u skladu sa propisima o ustanovama, ako Federalnim zakonom nije drugačije određeno.
- (8) Predsjednik i članovi Upravnog odbora mogu biti razriješeni i prije isteka mandata na koji su imenovani u skladu sa propisima o ustanovama i Statutom Apoteke.

Član 15.  
(Direktor)

- (1) Organ rukovođenja u Apoteci je generalni direktor, koji organizira i vodi poslovanje, predstavlja i zastupa Apoteku i odgovoran je za zakonitost rada Apoteke.
- (2) Generalni direktor Apoteke imenuje se na osnovu javnog oglasa, u skladu sa zakonom.
- (3) Generalnog direktora Apoteke imenuje i razrješava Upravni odbor, uz prethodnu saglasnost ministra, na način i u skladu sa Federalnim zakonom i Statutom Apoteke.
- (4) Za generalnog direktora Apoteke, imenuje se lice koje ima završen farmaceutski fakultet, najmanje pet godina radnog

iskustva u struci, te koje ispunjava i druge uslove propisane federalnim zakonom i Statutom Apoteke. Za generalnog direktora Apoteke imenuje se lice koje, pored navedenih uslova ima znanje o zdravstvenom menadžmentu. Uslov o znanju iz zdravstvenog menadžmenta tražit će se u konkursnoj proceduri tek nakon donošenja podzakonskog akta od strane federalnog ministra zdravstva.

- (5) Generalni direktor učestvuje u radu Upravnog odbora, bez prava odlučivanja.
- (6) Mandat generalnog direktora Apoteke traje četiri godine.
- (7) Po isteku mandata, isto lice može, na osnovu javnog oglasa ponovo biti imenovano za generalnog direktora ove Apoteke, ali najviše za još jedan mandatni period.
- (8) Ukoliko generalni direktor Apoteke nije imenovan u skladu sa zakonom u roku od 60 dana od dana isteka konkursnog roka, kao i drugim slučajevima prestanka mandata generalnog direktora, odluku o postavljenju vršioca dužnosti generalnog direktora donosi Upravni odbor Apoteke, najduže na period do šest mjeseci, a u skladu sa Federalnim zakonom i Statutom Apoteke.
- (9) Generalni direktor može biti razriješen i prije isteka mandata na koji je imenovan u skladu sa Federalnim zakonom i Statutom Apoteke.

Član 16.  
(Nadzorni odbor)

- (1) Organ kontrole poslovanja u Apoteci je Nadzorni odbor.
- (2) Djelokrug Nadzornog odbora je:
  - a) analizira izvještaj o poslovanju Apoteke;
  - b) u vršenju nadzora nad upotrebom sredstava za rad pregleda godišnji izvještaj o poslovanju i godišnji obračun;
  - c) pregleda i provjerava urednost i zakonitost vođenja poslovnih knjiga;
  - d) izvještava osnivača, Upravni odbor i generalnog direktora o rezultatima nadzora.
- (3) Predsjednika i članove Nadzornog odbora imenuje i razrješava Vlada, na prijedlog ministra, uz ravnopravnu zastupljenost oba spola, na način i u skladu sa zakonom.
- (4) Nadzorni odbor ima tri člana od kojih se najmanje jedan imenuje iz reda stručnih radnika zaposlenih u Apoteci.
- (5) Mandat predsjednika i članova Nadzornog odbora traje četiri godine i mogu ponovo biti imenovani.
- (6) Predsjednik i članovi Nadzornog odbora Apoteke imenuju se i razrješavaju u proceduri u skladu sa Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03 i 34/03).
- (7) Način izbora, opoziva i mandat predsjednika i članova Nadzornog odbora Apoteke, vrši se u skladu sa propisima o ustanovama.
- (8) Predsjednik i članovi Nadzornog odbora mogu biti razriješeni i prije isteka mandata na koji su imenovani u skladu sa propisima o ustanovama i Statutom Apoteke.

Član 17.  
(Stručno vijeće Apoteke)

- (1) Stručno vijeće Apoteke je savjetodavni organ generalnom direktoru Apoteke.
- (2) Članove Stručnog vijeća imenuje generalni direktor na prijedlog šefova organizacionih jedinica Apoteke, uz ravnopravnu zastupljenost oba spola.
- (3) Način rada i odlučivanja Stručnog vijeća uređuje se Poslovníkom o radu Stručnog vijeća, na koji saglasnost daje generalni direktor Apoteke, a nadležnost istog je utvrđena Federalnim zakonom.

Član 18.

(Etički komitet Apoteke)

- (1) Etički komitet Apoteke je organ koji osigurava obavljanje djelatnosti Apoteke na načelima etike i medicinske deontologije.
- (2) Etički komitet imenuje Upravni odbor, a sačinjava ga devet članova, uz ravnopravnu zastupljenost oba spola.
- (3) Imenovanje, mandat, način izbora kao i finansiranje Etičkog komiteta uređuje se Statutom Apoteke, u skladu sa Federalnim zakonom.
- (4) Nadležnost Etičkog komiteta Apoteke propisana je Federalnim zakonom.
- (5) Etički komitet Apoteke donosi Poslovník o svom radu.

Član 19.

(Komisija za lijekove)

- (1) Komisija za lijekove Apoteke je organ koji osigurava provođenje svih aktivnosti vezanih za primjenu lijekova i medicinskih sredstava u Apoteci.
- (2) Komisiju iz stava (1) ovog člana imenuje Upravni odbor Apoteke i čine je najmanje pet članova, koji se imenuju iz reda specijalista medicine, farmacije i stomatologije, uz ravnopravnu zastupljenost oba spola.
- (3) Način rada i odlučivanja Komisije za lijekove uređuje se Poslovníkom o radu Komisije, a nadležnost iste je utvrđena Federalnim zakonom.

Član 20.

(Komisija za poboljšanje kvaliteta i sigurnosti zdravstvenih usluga)

- (1) Komisija za poboljšanje kvaliteta i sigurnosti zdravstvenih usluga je stručno tijelo Apoteke koje obavlja poslove i zadatke u pogledu uspostave sistema poboljšanja kvaliteta i sigurnosti zdravstvenih usluga u Apoteci, kao i druge poslove utvrđene propisima o sistemu poboljšanja kvaliteta, sigurnosti i akreditaciju u zdravstvu.
- (2) Komisija iz stava (1) ovog člana odražavat će ravnopravnu zastupljenost oba spola.

Član 21.

(Regulisanje nadležnosti organa)

Bliže odredbe o Stručnom vijeću, Etičkom komitetu, Komisiji za lijekove i Komisiji za poboljšanje kvaliteta i sigurnosti zdravstvenih usluga, koje nisu regulisane ovom odlukom uredit će se Statutom Apoteke.

Član 22.

(Prava zaposlenika)

Zaposlenici Apoteke ostvaruju svoja prava u skladu sa zakonom, Statutom Apoteke Kolektivnim ugovorom o pravima i obavezama poslodavca i zaposlenika u oblasti zdravstva.

Član 23.

(Nadzor)

- (1) Nadzor nad zakonitošću rada Apoteke vrši Ministarstvo u okviru svoje nadležnosti.
- (2) Nadzor nad radom Apoteke i radom zdravstvenih radnika Apoteke obuhvata:
  - a) unutrašnji nadzor i
  - b) zdravstveno-inspekcijski nadzor.

DIO ČETVRTI - PRELAZNE I ZAVRŠNE ODREDBE

Član 24.

(Obaveza donošenja Statuta)

Upravni odbor je obavezan da u roku od tri mjeseca od dana stupanja na snagu ove odluke, donese Statut Apoteke u skladu sa zakonom i ovom odlukom.

Član 25.

(Prelazna odredba)

Stupanjem na snagu ove odluke stavlja se van snage Odluka o osnivanju Javne ustanove "Apoteke Sarajevo" ("Službene novine

Grada Sarajeva", broj 6/92, "Službene novine Kantona Sarajevo" br. 22/97, 13/98 i 30/07).

Član 26.

(Upis u sudski registar)

Stupanjem na snagu ove odluke Apoteka je obavezna izvršiti promjene upisa u sudskom registru kod nadležnog suda u Sarajevu, u skladu sa zakonom i ovom odlukom.

Član 27.

(Stupanje na snagu)

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-5380/12  
05. marta 2012. godine  
Sarajevo

Predsjedavajuća  
Skupštine Kantona Sarajevo  
Prof. dr. **Mirjana Malić**, s. r.

Na osnovu člana 13. stav (1) tačka b. i člana 18. stav (1) tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), člana 6. Zakona o ustanovama ("Službeni list RBiH", broj 6/92, 8/93 i 13/94), člana 43. stav (2), čl. 53. stav (4), čl. 125. i 126. kao i člana 234. st. (1) i (2) i člana 237. stav (1), Zakona o zdravstvenoj zaštiti ("Službene novine Federacije BiH", broj 46/10), Skupština Kantona Sarajevo na sjednici, održanoj dana 05.03.2012. godine, donijela je

**ODLUKU**

**O PREUZIMANJU PRAVA I OBAVEZA OSNIVAČA I  
USKLAĐIVANJU ORGANIZACIJE I POSLOVANJA  
JAVNE USTANOVE ZAVOD ZA SPORTSKU  
MEDICINU KANTONA SARAJEVO**

DIO PRVI - UVODNI DIO

Član 1.

(Osnivač)

- (1) Skupština Kantona Sarajevo (u daljem tekstu: Osnivač) je osnivač Javne ustanove Zavod za sportsku medicinu Kantona Sarajevo, koja je osnovana u cilju obavljanja specifične zdravstvene zaštite sportista na području Kantona Sarajevo.
- (2) Ovom odlukom vrši se, preuzimanje prava i obaveza Osnivača i usklađivanje organizacije i poslovanja Javne ustanove Zavod za sportsku medicinu Kantona Sarajevo sa odredbama Zakona o zdravstvenoj zaštiti ("Službene novine Federacije BiH", broj 46/10), (u daljem tekstu: Federalni zakon).

Član 2.

(Naziv i sjedište)

- (1) Zavod iz člana 1. stava (1) ove odluke nastavlja sa radom i posluje pod nazivom: Javna ustanova Zavod za sportsku medicinu Kantona Sarajevo (u daljem tekstu: Zavod), u državnoj svojini.
- (2) Sjedište Zavoda je u Sarajevu, ulica Patriotske lige broj 36, Sarajevo

Član 3.

(Status pravnog lica)

Zavod ima svojstvo pravnog lica i upisan je u sudski registar kod nadležnog suda u Sarajevu.

Član 4.

(Djelatnost)

- (1) Djelatnost Zavoda je obavljanje specifične zdravstvene zaštite sportista na području Kantona Sarajevo, koji obavlja slijedeće poslove:
  - a) planira, predlaže i provodi mjere za očuvanje i unapređenje zdravlja sportista i učesnika u sportskoj rekreaciji;

- b) provodi preventivnu zdravstvenu zaštitu svih registriranih sportista putem kontrolnih, periodičnih i sistematskih specijalističkih ljekarskih pregleda;
  - c) specijalističku kurativnu zdravstvenu zaštitu, liječenje i rehabilitaciju oboljelih i povrijeđenih sportista;
  - d) izrađuje i predlaže doktrinu, standarde i metode rada u zdravstvenom odabiru i praćenju zdravstvenog stanja sportista po pojedinim sportskim granama na području kantona za koji se osniva;
  - e) vodi registar specifičnih oboljenja i povreda u sportu;
  - f) vodi naučno - istraživački rad iz oblasti sportske medicine;
  - g) vrši edukaciju medicinskih kadrova iz sportske medicine;
  - h) vrši ocjenu stanja zdravlja i daje saglasnost za aktivno bavljenje sportom i sportskom rekreacijom;
  - i) prati vrhunska dostignuća sportista kroz specifična testiranja i učestvuje u pripremanju sportista za velika sportska takmičenja (svjetska prvenstva, olimpijske i mediteranske igre);
  - j) saraduje sa zdravstvenim ustanovama svih nivoa zdravstvene zaštite;
  - k) vrši međusobno stručno i funkcionalno povezivanje i usklađuje primjenu jedinstvene metodologije rada.
- Zavod koordinira i stručno nadzire sve sportske - medicinske institucije koje provode specifičnu zdravstvenu zaštitu sportista na području Kantona Sarajevo za koji se osniva.
- (2) U skladu sa Odlukom o klasifikaciji djelatnosti Bosne i Hercegovine 2010 ("Službeni glasnik BiH", broj 47/10), djelatnost Zavoda obuhvata slijedeće razrede:
    - a) 86.22 - Djelatnost specijalističke medicinske prakse,
    - b) 86.90 - Ostale djelatnosti zdravstvene zaštite i
    - c) 63.11 - Obrada podataka

Član 5.

(Statut Zavoda)

- (1) Statut je osnovni opći akt Zavoda koji donosi Upravni odbor uz obaveznu saglasnost Osnivača.
- (2) Statutom Zavoda se uređuju osnovna pitanja vezana za rad Zavoda i to:
  - a) naziv i sjedište Osnivača;
  - b) naziv i sjedište Zavoda;
  - c) djelatnost Zavoda;
  - d) izvore i načine obezbjeđenja sredstava za rad Zavoda;
  - e) način raspolaganja viškom prihoda nad rashodima i način na koji se pokriva višak rashoda nad prihodima;
  - f) prava i obaveze Osnivača u pogledu obavljanja djelatnosti zbog koje je Zavod osnovan;
  - g) međusobna prava i obaveze Zavoda i Osnivača;
  - h) imenovanje direktora i organa upravljanja Zavoda;
  - i) stručna tijela Zavoda, mandat članova stručnih tijela, način izbora i finansiranje;
  - j) lice koje će do imenovanja direktora Zavoda obavljati poslove i vršiti ovlaštenja direktora;
  - k) druga pitanja od značaja za rad Zavoda.

Član 6.

(Statusne promjene i promjena djelatnosti)

- (1) Zavod ne može vršiti statusne promjene (promjena naziva, sjedišta i druge promjene utvrđene zakonom), bez saglasnosti Osnivača.
- (2) Promjenu ili proširenje djelatnosti Zavod ne može obaviti bez saglasnosti ministra zdravstva Kantona Sarajevo (u daljem tekstu: ministar), koja se daje u formi rješenja, a na način i u postupku propisanim Federalnim zakonom.

Član 7.

(Prava i obaveze Zavoda)

- (1) Danom stupanja na snagu ove odluke Zavod zadržava objekte i opremu na korištenje, kao i radnike, odnosno sva prava i obaveze Javne ustanove Zavod za sportsku medicinu Kantona Sarajevo.